

四庫全書

史部

欽定四庫全書

史部
欽定歷代職官表卷三十八

御史_臣李陽樾覆勘

纂修_臣校勘內閣中書_臣張經田

謄錄監生_臣沈毓麟

欽定歷代職官表

織造監督					會計司郎中員外郎主事				
典簿	典簿	典簿	典簿	典簿	職內職	幫辦	上士中	士司會	司書上
東嶺西	織令丞	織令丞	織令丞	織令丞					
涇川	州署	司帳中	司帳中	司帳中	計部中	大夫下	大夫上	士	
鑄錢院	鑄錢院	鑄錢院	鑄錢院	鑄錢院	審計司				
文庫書	文庫書	文庫書	文庫書	文庫書	官務監	提舉監	副監丞		
杭州	杭州	杭州	杭州	杭州	都知監				

大	尚茶膳正副侍衛主事	御茶膳房總管大臣
士	膳夫上 士中上 下士 庖人內 膳中士 下士 掌八下	掌夫下 大夫
	尚食	
	太官令 太官令 左水湯 肥人長官 必果 丞	
	尚食監 太官令 丞	
	尚食中 尚食典 小膳部 尚食局 尚食局 司膳使 尚食局 膳典 膳典 副使 御酒房	
	尚食 即丞 上士中 典御 內尚食 中尚食士 典御丞 內膳中局令 士 典庖中 士	
		典膳中 大夫

欽定歷代職官表

三

行宮總管苑副千總 養鷹處統領頭目

均

臨 巧 巧 鷹 坊
巧 巧 巧 巧 巧

判官 主簿 司馬 司馬 司馬 司馬

西德恩 官府 雲需恩 官府

副使	鷹坊使
照使副	鷹坊提

使

慎司刑郎中員外郎主事 營司造郎中員外郎主事

小宰所 慎司刑郎中		匠人	
令丞		尚方令	將作少令丞
令丞	水卷令兼掌水丞	考工室左右司	左右司
令丞	若虞獄	空令丞	空令丞
令丞	若虞獄		
令丞	若虞獄		
令丞	若虞獄		
令丞	若虞獄		
令丞	若虞獄		
令丞	若虞獄	司木司	司木司
令丞	若虞獄	司水司	司水司
令丞	若虞獄	司火司	司火司
令丞	若虞獄	司火司	司火司
令丞	若虞獄	司火司	司火司
令丞	若虞獄	司火司	司火司
令丞	若虞獄	司火司	司火司
令丞	若虞獄	司火司	司火司
令丞	若虞獄	司火司	司火司
令丞	若虞獄	司火司	司火司

事主郎外員中郎司豐慶事主郎外員中郎處辦造殿心養

[illegible]

式帖筆司各 | 掌催掌庫司各

直長

五長

高

王

錄書

作

宣徽都

勾押官

中

下官

庫

庫裏

直長

新

五

一、

書

圖書會

謹案內務府為

聖朝特創超越萬古之經制前代職事有散在各官
者謹詳考而著之于表至官由特設無可比例
如

寧壽宮

中正殿

雍和宮

御書處

武英殿修書處諸職以及

咸安宮

景山官學納銀莊官房租庫諸事務皆前古所未
有今並於表中闕之以見我

聖朝創制設官非前代所可企及至如三旗護軍營
統領叅領護軍校等職設官與八旗護軍營同
歷代建置已見八旗護軍營表茲亦不重著焉

內務府上

國朝官制

內務府總管大臣無定員

以侍衛府屬郎中內三院卿
簡用或以王公內大臣

尚書侍郎兼攝初品級無定
乾隆十四年定為正二品

掌理內府之政令凡職員選除財用出入宴饗祭祀膳羞服御賞賚賜予刑罰工作教習訓導之事皆綜理而受其成凡直宿日派總管一人如因事不能入直以郎中代之所屬廣儲會計掌儀都虞

慎刑營造慶豐七司及諸衙門上駟院奉宸苑武備院並隸焉

國初置內務府順治十一年改置十三衙門曰司禮監尚方司御用監御馬監內官監尚衣監尚膳監尚寶監司設監兵仗局惜薪司鐘鼓司織染局十八年並裁仍設內務府以大臣總管

堂郎中一人

正五品

堂主事二人

正六品

堂筆帖式三十八

人內一人委署主事兼司缺筆帖式四人

堂郎中主事掌治堂事凡府屬文職陞補

武職隸加虞司

及章奏文移皆隸焉康熙四十二年設郎中一員

後省雍正十三年復設堂主事康熙十六年設委

署主事雍正元年設後省乾隆二十二年復設郎

以筆帖式補放給與六品虛銜不出缺

各司主事委署主事

裁設筆帖式掌理文案順治十八年設十六員以

皆同

後陸續增設至十八員

各司筆帖式因其事之繁簡以定額皆先後裁

設

兼司缺筆帖式雍正四年設

廣儲司總管六庫郎中二人部員兼管六庫郎中二人

郎中四人員外郎十二人部員兼庫員外郎六人

從五品

主事一人委署主事一人司庫十二人

正六品

無品級司

庫十二人筆帖式二十六人

總管六庫郎中掌總核六庫出納事務郎中員外

郎主事掌分理各庫部員兼庫郎中員外郎掌兼

綜庫事以資糾查司庫掌儲藏出納初名御用監

順治十八年分為銀庫皮庫緞庫衣庫康熙十六

年改定為廣儲司四庫二十八年分設磁庫茶庫
共為六庫即中初設三人雍正十三年增設總管
郎中二人員外郎初設八人康熙二十八年增四
人部員兼庫郎中員外郎乾隆三十三年設司庫
康熙九年設八人二十八年增四人無品級司庫
康熙四十四年設自後陸續增設

寧壽宮管理事務郎中二人員外郎二人主事一人委
署主事一人筆帖式四人學習筆帖式四人內管領二

人

正六品

郎中員外郎主事掌稽查看守

寧壽宮陳設輪流直宿及造具檔冊之事內管領掌
分地掃除乾隆四十年以

寧壽宮地方緊要派內務府大臣二人專管並設立
郎中員外郎主事筆帖式內管領等員以專司其
事其檔籍清冊鈐用廣儲司印四十四年增設委
署主事一人學習筆帖式四人

織造監督江寧府蘇州府杭州府各一人

於內務府司官內奏簡帶

原銜管理

司庫各一人筆帖式各二人庫使各二人

掌分司所駐劄地方供奉

上用緞疋及應用官用緞疋皆監視而督理之歲終奏銷造冊呈內務府以副冊送廣儲司察覈順治初年設三處織造官監督筆帖式庫使各一人三年一代十八年定一年更代康熙元年各增庫使一人二年奏定三處織造不限年更代各增筆帖式

一人六年各增庫使一人

會計司郎中二人員外郎六人主事一人委署主事一人筆帖式二十六人催長五人

掌核理內務帑項出納之數及莊園地畝戶口徭役定為籍而受其要焉初名內官監順治十七年改為宣徽院康熙十六年改定為會計司初設郎中三人康熙三十八年裁一人雍正元年復設一人乾隆四十年裁一人員外郎額順治十七年定

初設催總八人後裁尋復設五人後改為催長

內管領掌關防一人

於各司院郎中內揀選兼管

協理關防事務二

人

於各司院員外郎內揀選兼管

內管領三十人

正五品

副內管領三十

人

正六品

筆帖式八人

內管領副內管領掌承應

內廷洒掃糊飾管三倉出納酒菜器皿皆司之並管

理該管領下戶口田產官員俸餉兵丁錢糧之數

發出入

國初設內管領四員順治間增十六員康熙二十三年每管領下增設副內管領一員嗣後陸續增置有官三倉酒醋房青菜庫外餉餉房車輛庫家伙倉蠟備倉冰窖蠟票蘇拉處諸專司之事雍正元年以一員管理關防二員協理關防事務乾隆十五年以各司院郎中揀選一員掌理關防員外郎二員協理關防事務其掌關防之內管領仍專司本管領之事

管理三旗納銀莊郎中一人員外郎六人委署主事一人筆帖式十有二人

掌三旗各莊之糧稅徵收治其賞罰與其優恤之事初由三旗各佐領管理康熙三年設員外郎六人專管十六年隸會計司雍正元年另設衙門置郎中一員乾隆元年設主事一人後裁

掌儀司郎中二人員外郎八人主事一人委署主事一人筆帖式二十一人司俎官五人

正六品

贊禮郎十有七

人
六品頂帶
食七品俸

掌內府祭祀筵宴禮儀樂舞之事初名禮儀監順
治十七年改為禮儀院康熙十六年改定為掌儀
司初設郎中三人員外郎八人康熙三十八年裁
郎中一人司俎官初為司胙官設四人後增設一
人並改為司俎贊禮郎初設十二人雍正十年增
五人又有樂部郎中員外郎等官別見樂部篇
御茶膳房總管大臣無定員尚膳正尚茶正頭等侍衛

各一人二等侍衛各二人尚膳副尚茶副三等侍衛各二人尚膳三等侍衛四人藍翎侍衛七人尚茶三等待衛三人藍翎侍衛四人主事一人委署主事一人筆帖式十有二人

掌敬設

上用茶品供奉

御饌及供應賜茶筵宴之事初設飯房總領茶房總領各三人飯上人三十五人茶上人十七人康熙二

十八年定飯上人委署總領一人雍正元年定飯房茶房總領俱授為二等侍衛飯上人授三等侍衛六人藍翎侍衛七人茶上人授三等侍衛三人藍翎侍衛四人又定茶房侍衛內委署總領一人乾隆八年定飯房茶房二等待衛內各授一等待衛一人十五年改飯房為外膳房二十四年改飯房總領為尚膳正副總領為尚膳副茶房總領為尚茶正副總領為尚茶副雍正二年設主事一人

中正殿管理事務員外郎二人筆帖式四人

內務府三
人外旗蒙

古
一
人

雍和宮管理事務郎中一人員外郎一人筆帖式三人

掌造辦佛像供應念經事務

中正殿員外郎康熙三十六年設

雍和宮郎中等員乾隆九年以司官兼管十六年定

為額設

咸安宮官學管理事務大臣一人協理事務大臣一人

以內大臣
滿漢總裁六人
以翰林院官充
管理事務
簡派
滿二人
漢四人

郎中二人員外郎二人筆帖式一人滿洲教習十三人

編譯六人清語
三人弓箭四人
漢人教習九人官學生一百十八人蒙

古學總裁二人管理事務司官二人教習二人官學生

二十四人

景山官學兼管事務司官五人
以郎中員外郎派充
滿洲教習九

人漢人教習十二人官學生三百八十八人

景山官學掌訓迪內府三旗之俊秀教之書射以作

興人材康熙二十四年立

咸安宮官學凡內府三旗八旗滿洲蒙古之優穎者
皆與焉雍正七年立乾隆元年定

咸安宮官學生內務府留三十人增設八旗滿洲各
十人十三年增設蒙古官學員額皆陸續增定

御藥房兼管司官二人內管領一人主事一人委署主

事一人副內管領二人庫掌二人

七品職銜
食八品俸

委署庫掌

二人筆帖式十二人

掌詳慎供用藥料和合丸散之事順治十年設以
總管首領太監管理康熙三十年改歸府屬員額

陸續增置

都虞司郎中二人員外郎五人主事一人委署主事一
人筆帖式二十六人催長八人

掌府屬武職陞補及三旗禁旅訓練遣調供應畋
漁之禁令初名尚膳監順治十八年改為採捕衙
門康熙十六年改定為都虞司初設郎中三人員

外郎五人後各裁一人

內務府鑲黃正黃正白三旗護軍營護軍統領各一人

正三品 護軍叅領各五人 三品職銜 食五品俸 副護軍叅領各五人

四品職銜 孔雀翎 委署叅領各三人 五品職銜 食五品俸 前鋒

委署叅領各二人 五品職銜 食五品俸 烏鎗護軍校各二十人

正六品 六品翎長 從六品 舊營護軍校各十三人前鋒護軍

校各二人前鋒戴藍翎委署護軍校各二人 正七品 舊營

戴藍翎委署護軍校各五人筆帖式各十人

圓明園內務府三旗護軍營夸蘭大一人

三品職銜
銜四品俸護

軍叅領各一人副護軍叅領各一人委署叅領各一人

護軍校各三人副護軍校各一人筆帖式四人

護軍營統領叅領等官掌率其屬以宿衛

宮禁導引扈從及訓練察班之事

國初每旗編為五甲喇設叅領一人順治九年立烏

鎗營每旗添設叅領委署叅領護軍校等員十三

年烏鎗護軍撥回舊營以委署叅領為副叅領乾

隆十三年立前鋒營設前鋒委署叅領護軍校等員

圓明園內三旗護軍營夸蘭大及叅領等官掌率其屬以翊衛園苑及訓練稽察之事雍正三年以

京城內護軍營分駐設叅領護軍校等員九年設執掌關防夸蘭大一員

熱河

行宮總管二人

初制正五品乾隆三十五年定為正四品其由尚書都統內務府簡放者

仍各帶原
品職銜

苑副四人

正五品

千總十一人

正六品

副千總二

十二人喀喇河屯長山谷兩間房巴克什營中關波洛
河屯吉爾哈朗圖阿穆呼朗圖張三營等處

行宮千總各一人副千總各一人王家營釣魚臺黃土
坎十八里台等處

行宮副千總各一人

溥仁寺

普樂寺

安遠廟

普陀宗乘廟

殊像寺千總各一人副千總各一人

普寧寺

須彌福壽廟千總各一人副千總各二人

廣安寺

羅漢堂把總各二人

行宮總管苑副掌總理翊衛各處

行宮及陳設稽察之政令十總副千總把總掌典守
陳設稽查內園董率掃除之事熱河總管康熙四十
二年設苑副乾隆三十五年設各處千總康熙四
十一年以來陸續增設

養鷹鵠處管理事務三人

以王公
臣侍衛等

御前大
管理

協辦事

務兼鷹上統領二人

副都統一人二
等侍衛一人

藍翎侍衛頭領五

人六品職銜副頭領五人筆帖式三人內養狗處頭目

二人

兼三等侍衛一人
兼藍翎侍衛一人

副頭目二人外養狗處頭目六

人副頭目六人筆帖式三人

掌飼養鷹狗隨園進哨以供蒐畋之事

國初設立鷹房鴉鵂房乾隆十一年改為養鷹處養鴉鵂處三十七年裁養鴉鵂處其員額轉補鷹上養狗處員額

國初定

慎刑司郎中二人員外郎四人主事一人委署主事一人筆帖式二十人

掌府屬刑名審讞定擬之事凡審擬罪案皆依刑部律例其有情罪重大者移咨三法司會審題結初名尚方司順治十二年改為尚方院康熙十六年改定為慎刑司員額順治以來前後增定

營造司郎中二人員外郎八人主事一人委署主事一人筆帖式二十六人

掌膳修工作及薪炭陶冶之事所屬有六庫三作曰木庫司物材曰鐵庫司鑄造鐵器曰器皿庫司

藤竹木器曰柴庫司薪柴曰炭庫司煤炭石灰曰
房庫司涼棚席篷蓆麻曰鐵作司打造鐵器曰花
爆作司造烟火花爆曰油漆作司繪墾六庫各設
庫掌庫守三作皆設司匠領催皆未入流惟鐵作
司匠給八品虛銜初名惜薪司順治十八年改為
內工部康熙十六年改定為營造司初設郎中三
人後裁一人員外郎六人後增二人

官房租庫值年總管內務府大臣一人郎中一人員外

郎三人

以各司兼管

筆帖式七人庫掌一人

掌內外城官房之租課按月証收以供營造司之用初屬營造司管理康熙六十二年立租庫各員額乾隆三十六年以內府大臣值年管理

御書處管理事務大臣一人兼管郎中員外郎無定員

監造一人

六品職銜
食七品俸

署監造一人庫掌三人

七品職銜
食八品俸

署庫掌六人筆帖式二人

掌敬刊

御筆裱榻之事員額康熙四十九年定監造庫掌品級

乾隆四十三年定

武英殿修書處管理事務王大臣一人監造二人庫掌
四人署庫掌六人筆帖式四人

掌膳刻裝潢各館書籍及

宮殿陳設書籍之事員額康熙十九年定監造庫掌

品級乾隆四十三年定設有總裁二人提調二人

由總裁於纂修十二人
由總裁以翰林院編修
檢討庶吉士等官揀派

充
奏

養心殿造辦處郎中三人員外郎二人主事一人委署
主事一人庫掌六人品六司匠十三人品正八筆帖式十五
人

掌造辦供

御物件監督工作管理儲藏之事初設造辦活計處
管理事務無定員乾隆二十四年定設員額

慶豐司郎中一人員外郎八人主事一人委署主事一

人筆帖式十五人廐長十人廐副十九人

掌蕃息牛羊羣牧供用考成之事順治初年設內

牛園三於

西華門外設外牛園三供乳餅園一於

南苑設羊圈六於豐臺管理牛隻羊隻各設員外郎

三人及廐長筆帖式等員康熙十六年歸併掌儀

司管理二十三年設慶豐司置郎中二人增置員

外郎四人主事一人不隸內務府雍正元年歸併

內務府管理四十年裁郎中一人員外郎二人

謹案內務府之制以七司各掌府事其餘分建衙門並鑄給關防印信統轄于總管大臣而不與七司相隸屬唯是事類相近允宜依次分求如

寧壽宮事務檔冊用廣儲司鈐印監督織造由緞庫郎中察覈內管領之錢糧納銀庄之奏銷皆由會計司辦理

御茶膳房

中正殿

雍和宮管理事務皆掌習禮儀之事而官學藥房
附焉官房租庫本由營造司分設

御書處

武英殿修書處

養心殿造辦處均掌

內廷書籍典冊修造之事茲並遵

大清會典成例以類序次唯內三旗護軍營

圓明園護軍營暨各

行宮千總會典序官別著于武職篇而奉行則例
仍載于都虞司卷中以府屬武職陞遷諸事均
隸都虞司也茲並從類叙于七司之後至府屬
之三院則別自為篇焉

歷代建置

謹案曲禮載殿制先五官次六府此府名之所

由起周官冢宰之屬有內府內宰此內務之名之所由起詳考冢宰之屬以宮禁親近之職為首重故宮正宮伯以掌宿衛膳夫至冢人以掌飲食宮人幕人以掌寢處大府至外府以掌蓄藏司會至職幣以掌會計而內宰以下則皆綜理內職閤豎閤寺婦職女功無不司之于是自王及后世子之飲食服用以至宮闈內外親近人主左右者一舉而歸之冢宰所以肅正紀綱

而無逢迎靡濫之弊自西漢時猶遵成周遺意
中書宦者盡屬少府凡服御之職必選經明行
修者為之而統攝之以丞相御史至東漢時始
多用宦官分主飲膳服飾而古意漸失隋唐以
後立內侍省人主起居飲食之重不咨之大臣
任之士人而悉委之於奄豎其弊乃益滋矣至
供御之官列代變更分合之故猶可詳考蓋漢
立少府水衡專主天子之奉養東漢則并水衡

於少府而三國晉宋以後因之自曹魏始立殿
中監以後代有其職蕭梁始立太府卿以掌庫
藏而陳因之少府始專主工作之事北魏又廢
少府專立太府而殿中監則仍其舊北齊以殿
中監之六局改隸于門下省後周倣成周以制
官奉御諸職多在天官冬官中隋初立門下省
太府卿煬帝改設殿內省復分立少府而內侍
省之統轄漸廣唐之殿中內侍二省太府少府

二卿與隋制不大相殊而宦官任重至侵將相之權矣宋立宣徽院為親近之職而漢少府之事仍領于二省二卿遼北面有御帳著帳諸官南面則仍唐制金有太府少府無殿中監而有殿前都點檢司其內侍不別立省盡隸之宣徽院中法意最為近古至明代而諸職盡去唯立宦官二十四衙門禁近要務唯有奄豎得專制之而古意于是盡失不獨成周良法無可追溯

即漢唐少府之制亦無復存焉者矣恭惟

聖朝龍興之始創立內務府以鑲黃正黃正白三旗
親近之臣專司其事

定鼎以來初亦設十三衙門以內監供職順治十二
年六月監於前代內豎擅權之弊

命立鐵牌嚴切申諭永遠禁革仍立內務府

特簡內大臣為總管七司三院綱紀肅而職掌昭內
侍職制則為使之供給洒掃之役毋得任事而

亦皆統攝于總管大臣蓋至

聖朝而周漢之制盡復法度之精詳規模之宏遠尤
為超越萬古今詳考列代職官之近于內務府
者分繫篇中而總括其沿革之大概於此其內
監職制執掌亦附著卷後不復別為一篇焉

三代

禮記曲禮天子之六府曰司土司木司水司草司
器司貨典司六職鄭康成注府主藏六物之稅此

亦殿時制也周則皆屬司徒

謹案六府之制見于殿時以主六物之儲藏鄭
注謂周屬司徒蓋如今戶部之三庫但殿五官
既有司徒而復別設六府則在殿時固不為司
徒之掌而與今之內務府相近矣故與戶部三
庫篇互見焉

尚書立政虎賁綴衣趣馬小尹左右攜僕百司庶
府孔安國傳綴衣掌衣服左右攜持器物之僕百

官有司主券契藏吏蔡沈集傳此侍御之官也小尹小官之長攜僕攜持僕御之人百司若司表司服庶府若內府大府之屬

謹案尚書立政有百司庶府又有表臣百司盖表者對裏之稱內百司為裏臣外百司為表臣也立政稱文武克俊有德三事而外必首及于綴衣趣馬之屬其後周公制禮以宮禁之職首屬冢宰有由來已

國朝勅定內務府與成周百司庶府之義千載合
揆今列尚書立政文于卷首而周禮諸職則以
次分列于後

周禮天官宮正上士二人中士四人下士八人府
二人史四人胥四人徒四十人掌王宮之戒令糾
禁以時比宮中之官府次舍之衆寡為之版以待
夕擊柝而比之國有故則令宿其比亦如之辨內
外而時禁稽其官序糾其德行幾其出入均其稍

食去其滯急與其奇衮之民會其什伍而教之道
藝月終則會其稍食歲終則會其行事凡邦之大
事令于王宮之官府次舍無去守而聽政令春秋
以木鐸修火禁凡邦之事蹕宮中廟中則執燭鄭
康成注宮正主宮中官之長○宮伯中士二人下
士四人府一人史二人胥二人徒二十人掌王宮
之士庶子凡在版者掌其政令行其秩叙作其徒
役之事授八次八舍之職事若邦有大事作宮衆

則令之月終則均秩歲終則均叙以時頒其衣裘
掌其誅賞

謹案成周官制凡王之服御飲食燕好賜予皆
分設官職而統屬於太宰所以合官府為一體
也宮正為王宮官之長掌比宮中之官府宮伯
掌王宮之士庶子此在今時為內務府大臣及
領侍衛大臣之職其所以秩止於上士中士下
士者則以冢宰統臨於上而諸官為專司故不

疑其秩之輕也內務府大臣職任優重實為周
冢宰之所統而宮正宮伯則職掌專焉故與領
侍衛篇互見而備著其說於此

周禮天官太府下大夫二人上士四人下士八人
掌九貢九賦九功之貳以受其貨賄之人頒其貨
於受藏之府頒其賄於受用之府凡貳貢之餘財
以共玩好之用○玉府上士二人中士四人掌王
之金玉玩好兵器凡良貨賄之藏共王之服玉佩

玉珠玉王齊則共食玉掌王之燕衣服衽席牀第
凡襲器若合諸侯則共珠槃玉敦凡王之獻金玉
兵器文織良貨賄之物受而藏之凡王之好賜共
其貨賄○內府中士二人掌受九貢九賦九功之
貨賄良兵良器以待邦之大用凡四方之幣獻之
金玉齒革兵器凡良貨賄入焉凡適四方使者共
其所受之物而奉之凡王及冢宰之好賜予則共
之○司裘中士二人下士四人掌為大裘以共王

祀天之服○掌皮下士四人掌秋歛皮冬歛革春
獻之遂以式法頒皮革于百工共其毳毛為氈以
待邦事歲終則會其財齎○典婦功中士二人下
士四人掌婦式之灋以共王及后之用頒之于內
府○典絲掌絲入而辨其物以其賈褐之○典枲
下士二人掌布紵縷紵之麻草之物以待時頒功
而授齎

周禮春官天官上士一人中士二人掌祖廟之守

藏與其政令凡國之玉鎮大寶器藏焉若有大祭則出陳之既事藏之

荀子大畧篇不知而問堯舜無有而求天府先王之道則堯舜矣六貳之博則天府矣注求財于六貳之博得之不窮故曰天府天府天之府藏

謹案太府掌貢賦貨賄為今戶部三庫之職其式貢餘財以共玩好則內府之廣儲實兼其任至王府受藏金玉兵器文織良貨賄以共王之

好賜內府共王及冢宰之好賜予天府藏國之玉鎮大寶器則正為今廣儲司之職而司裘掌皮典絲典枲亦如六庫之各分其事也

周禮天官職內上士二人中士四人掌邦之賦入辨其財用之物而執其總凡受財者受其貳令而書之○職歲上士四人中士八人掌邦之賦出凡上之賜予以叙與職幣而受之○職幣上士二人中士四人振掌事者之餘財皆辨其物而奠其錄

以書褐之以詔上之小用賜予○司會中大夫二人下大夫四人上士八人中士十有六人○司書上士二人中士四人凡上之用財用必考于司會○宮人中士四人下士八人掌王之六寢之修共王之沐浴凡寢中之事掃除執燭共鑪炭凡勞事謹案天官司會司書不專為內府之職而上之用財用必考于司會則宮中會計實兼理之職內掌受財之政令職幣詔用之小用賜予而職

歲掌其賦出今內府儲藏出入皆由會計司稽核而總受其要其職固相等也宮人有中士下士寢處沐浴掃除皆其職掌則與今之內管領副內管領之任尤相合矣

周禮天官內宰下大夫二人上士四人中士八人掌書版圖之法以治王內之政令均其稍食分其

人民以居之

注版謂宮中閭寺之屬及其子弟錄籍也圖王及后世子之宮中吏官府

之形象也政令謂施閭寺者稍食吏祿稟也人民吏子弟分之使衆者就衆均宿衛歲終則

會內之人稍食稽其功事比其小大與其麤良而賞罰之會內宮之財用

周禮夏官小臣上士四人掌王之小命詔相王之小法儀正王之燕服位王之燕出入則前驅

周禮天官膳夫上士二人中士四人下士八人掌王之食飲膳羞以養王及后世子○庖人中士四

人下士八人賈八人

注賈主市賈知事價

掌共六畜六獸六

禽辨其名物凡其死生蠃薨之物以共王之膳與

其薦羞之物及后世子之膳羞○內饔中士四人下士八人掌王及后世子膳羞之割烹煎和之事○亨人下士四人掌共鼎鑊以給水火之齊

謹案宮中禮儀掌于內宰而詔相王之小法儀則夏官小臣主之今內務府掌儀司專掌宮中之儀法正其職也內宰詔相禮儀之外又掌書宮中版圖之法以治王內之政令歲終會內人之稍食稽其功事會內官之財用蓋兼有總管

大臣及會計司之職故秩為下大夫其任較重
唯以服位禮事贊相專司與掌儀司尤為相合
故附証其說于此天官之膳夫庖人內饔亨人
皆掌王及后世子之膳羞亦與今

御茶膳房之職為相合故與光祿寺篇互見焉

周禮天官甸師下士二人共野果蔬之獻帥其徒
以薪蒸役外饗內之事○膳人下士四人掌乾肉
凡田獸之脯腊膾胖之事

周禮地官廩人中士二人下士四人凡屠者斂其
皮角筋骨入于王府凡珍異之有滯者斂而入于
膳府○澤虞掌國澤之政令為之厲禁使其地之
人守其財物以時入之于王府頒其餘于萬民○
迹人中士四人下士八人掌邦田之地政而為之
厲禁以守之○角人下士二人掌以時徵皮角凡
骨物于山澤之農○羽人下士二人掌以時徵羽
翮之政于山澤之農○掌炭下士二人掌炭物灰

物之徵令以時入之

謹案都虞司職司採捕供應畋漁天官之甸師
腊人正其職掌地官山林川澤皆有虞衡而分
主各處山川不歸統理惟澤虞掌國澤之禁令
入財物于王府與都虞司相近其自廛人以至
掌炭亦皆都虞司之所有事也

周禮天官小宰之職掌建邦之宮刑以治王宮之
政令凡宮之禁

謹案周刑法掌于秋官而內府之刑未聞有別
置之官惟小宰掌建邦之官刑宮禁鄭康成以
為在王宮中者之刑則今內務府慎刑司之所
由始也

周禮考工記凡攻木之工七攻金之工六攻皮之
工五設色之工五刮摩之工五搏埴之工二○匠
人營國王宮門阿之制五雉宮隅之制七雉城隅
之制九雉

謹案周禮缺冬官考工記之所載者未盡為營造之職今採錄匠人營繕王宮之法式及諸工總名以著其概餘並見工部篇不具錄焉

周禮地官牧人下士六人掌牧六牲而阜蕃其物

以共祭祀之牲牷

注六牲謂牛馬羊豕犬雞

○牛人中士二人

下士四人掌養國之公牛以待國之政令

周禮夏官羊人下士一人掌羊牲若牧人無牲則

受布于司馬使其賈買牲而共之

謹案孳畜之政自古重之故宣王考牧著於小雅牲牷肥腍見于春秋周禮之牧人牛人羊人實為度豐司之所由始其分屬地官夏官者蓋一以牧地為屬一以受布于司馬為屬不必如孔疏所云牛為土畜羊為金畜穿鑿而為之說也

秦

漢書百官公卿表少府秦官

冊府元龜秦少府掌山海地澤之稅少府之立自此始也

杜佑通典秦置六尚謂尚冠尚衣尚食尚沐尚席尚書若令殿中之任○秦有御府令丞掌供御服而屬少府○掖庭局令秦置永巷○秦置尚方令○秦有將作少府○秦犧廩令丞掌犧牲雁鶩

王應麟玉海少府秦官章邯為之

謹案秦立少府之官凡供御諸職多為所領故

六尚如今內管領之職御府令如今廣儲司校
庭局令如今慎刑司尚方令則兼有廣儲及武
備院之任將作少府如今營造司惟犧廩令丞
屬內史及左馮翊而犧牲雁鶩則又兼有都虞
慶豐二司之掌秦法疎畧史志不詳以漢後所
承襲者推之其大概亦可考見今摭錄通典所
載以著其崖畧焉

漢

漢書百官公卿表少府掌山海地澤之稅以給共

養

應劭曰名曰禁錢以給私養自別為藏少者小也故稱少府師古曰大司農供軍國之用少府

以養天子也

有六丞屬官有尚書符節太醫太官湯官

導官藥府若盧考工室左弋居室甘泉居室左右

司空東織西織東園匠十六官令丞

服虔曰若盧詔獄也鄧展

曰舊洛陽兩獄一名若盧主受親戚婦女如淳曰若盧官名也藏兵器品今曰若盧郎中二十人主

弩射漢儀注有若盧獄令主治庫兵將相大臣臣璜曰冬官為考工主作器械也師古曰太官主膳

食湯官主餼餼導官主擇米若盧如說是又胞人也左弋地名東園匠主作陵內器物者也

都水均官三長丞

師古曰肥人主掌宰割者也肥與庖同

又中書謁者

黃門鈎盾尚方御府永巷內者宦者八官令丞

師古

曰鈎盾主近苑園尚方主作禁器物御府主天子衣服也

諸僕射署長中黃門

皆屬焉

師古曰中黃門謂人起居禁中在黃門之內給事者也

武帝太初元

年更名考工室為考工左弋為飲飛居室為保宮

甘泉居室為昆臺永巷為掖庭飲飛掌弋射有九

丞兩尉太官七丞昆臺五丞樂府三丞掖庭八丞

宦者七丞鈎盾五丞兩尉咸帝河平元年省東織

更名西織為織室

謹案漢承秦制立少府以供養宮禁位列九卿
凡諸奉御之職無所不統今以漢百官表所載
詳繹之今內府七司諸官蓋皆有其職焉如御
府尚方東織西織是廣儲司之掌尚書內者諸
僕射署是會計司及內管領之掌中書謁者與
掌儀相近而太官胞人則如今之內茶膳房也
左戈攸飛掌戈射都水鈎盾主苑囿近於都虞

司之職也服虔鄧展以若盧為詔獄如淳以為
藏兵器而漢儀注則云有若盧獄令主治庫兵
是一官而兼兩職蓋如慎刑司及武備院之兼
職也考工室左右司空東園匠如今之營造司
而尚方令又如今之造辦處也惟慶豐所掌未
見于少府之屬蓋太官所兼掌耳漢代少府之
官多以高儒舊德為之而宦者黃門亦皆歸于
統屬其法意最為近古今載漢表原文而為之

疏證如此其他可為佐証者並分載于後

史記平準書山海天地之藏也皆宜屬少府

索隱
韋昭

云少府天子私所給賜
經用也公用屬大司農

急就篇司農少府國之淵顏師古注司農領天下

錢穀以供國之常用少府管池澤之稅及關市之

資以供天子少者小也府者聚也財物所聚也非

郊廟兵戎大用故謂之少府司此二者百物在焉

故以深泉為喻也

應劭風俗通少府水衡為天子內藏

荀悅漢紀孝成帝紀罷少府技巧官

王應麟漢制考職內注職內主入也若今之泉所
入謂之少內疏漢之少內亦主泉所入案王氏漢
官解云小官嗇夫各擅其職謂倉庫少內嗇夫之
屬各自擅其條理所職主由此言之少內藏聚似
今之少府但官卑職碎以少為名丙吉傳少內嗇
夫白吉曰食皇孫亡詔令注云少內掖庭主府藏

之官也

謹案少內當為令會計司之職

玉海周玉府內府猶秦漢少府也

謹案後漢紀正月朔旦驃騎將軍蒼應奉壁入
賀故事少府給壁陰就驕貴吏傲不奉法求壁
不可得蒼坐朝堂漏且盡而壁不至不知所為
顧謂掾屬曰若之何朱暉望少府主簿持壁即
往給之曰我聞壁而未曾見試觀之主簿以壁授

暉暉顧召令史奉之主簿驚曰少府當以朝暉叱之曰將歸暉獨不朝也據此則漢之少府乃

兼內府王府之職

古今攷九曰少府掌山海地澤之稅以給共養東萊謂治粟內史所掌穀貨供軍國之用少府名曰禁錢以給天子私自別為藏少者小也屬官最多有六丞當皆稱少府丞而尚書侍郎以下十二官令丞屬焉而尚書之名後世以為王之一省六部

從官之長東萊又謂少府吏四人在殿中主發書
謂之尚書其後遂以為官置令丞屬焉然漢之尚
書令尚書丞微官耳少府之屬吏也後世尚書令
尚書左右丞六部尚書乃宰相侍從也又胞人三
長丞又上林中十池監又中書謁者黃門鉤盾而
下內省官者七官令丞諸僕射署長中黃門皆屬
焉而中書令中書丞亦少府之微官而後世中書
令為一品之極郭子儀書二十四考至有奪我鳳

鳳池之恨前代小官後世用以為大官世故之變
豈有極哉表書小官吏因草不一不足書王莽改
曰共工

謹案洪适隸釋魯相史晨祠孔廟奏銘題後謂
上尚書者郡國異于朝廷不敢直達于帝所因
尚書以聞故樊榘復華氏下民租田口奠碑以
太守奏事均云上尚書也然無極山碑以太常
卿丞奏事亦云上尚書又蔡質漢官典儀列司

隸城門校尉上尚書式及謁者上尚書式則內
而九卿謁者凡奏亦皆上尚書以達于帝不獨
國相太守也惟孔子廟置卒史碑云魯相奏記
司徒司空府不云上尚書然司徒司空府亦必
由尚書以達于帝無極山碑載常山相馮巡以
三公山請雨事聞于太常太常為馮巡上其事
亦必由尚書是其例蓋漢丞相御史謂之外朝
不可至內廷故置尚書掌四方章奏報告之事

少府屬官首列尚書特重其職也漢書霍光傳
尚書令讀奏黃霸傳尚書令受丞相對是雖丞
相九卿必由尚書入奏也又考漢紀張湯子安
世少為郎給事中尚書上方幸河東亡書三篋
詔問莫能知惟安世知之具作其事後購得本
書以校無所遺失通典謂掌圖書秘記章奏之
事即謂此也且不特主章奏即凡徵召詰對之
事亦無不詣尚書漢書光武紀時太原王霸北

海逢萌亦隱居養志霸到尚書拜不稱臣章帝
紀匈奴新降召太尉鮑昱謁尚書使封降胡檄
桓帝紀太常楊秉奏中常侍侯賢等請免官理
罪奏入尚書詰秉秉對尚書不能詰靈帝紀陳
蕃起兵將官屬諸生八十人至承明門使不內
蕃曰云云使者出開門蕃到尚書門正色曰云
云蓋尚書初主受奏御而已其後遂專出納之
命故其權浸重至章帝時太尉錄尚書事

和帝時太傅錄尚書事位在三公上與少府所屬之尚書迥相懸絕矣

馬永卿嬾真子前漢百官公卿表少府之屬官凡五十餘人有導官掌米穀以奉至尊然學者多疑導字之義僕考唐百官志導官令掌導擇米麥凡九穀皆隨精麤考其耗損而供然漢導字下從寸唐導字下從禾今按韻略瑞禾一莖六穗謂之導恐唐以瑞禾名官也僕嘗以此問舅氏笑云此蓋

讀司馬長卿封禪書誤耳書云導一莖六穗于庖
注云導擇也一莖六穗謂加禾之米也後人誤以
瑞禾為導遂併官名失之可笑也

謹案導官主擇米穀以供至尊則今尚膳正之

職也

又互見戶部
篇內倉條

顏師古漢書注李斐曰齊國舊有三服之官春獻
冠幘緹為首服紈素為冬服輕綃為夏服凡三
急就篇齊國給獻素繒帛注齊有三服官貢禹言

故時齊三服官輸物不過十笥

謹案漢官既有東織西織供天子服御而又有
三服官主作首服冬服夏服以給袞龍之用於
齊設之今內務府所轄有江寧蘇州杭州三織
造官正漢三服官之遺制也

漢書注水衡都尉應劭曰古山林之官曰衡掌諸
池苑故曰水衡張晏曰主都水及上林苑故曰水
衡主諸官故曰都有卒徒武事故曰尉師古曰衡

平也主平其稅入

王海揚得意為狗監李延年給事狗監中

謹案漢水衡都尉之職掌上林苑與今之奉宸苑相合惟所領之官自卒徒武事又兼主漁畝之政今都虞司辦理內府武職陞遷兼供應漁獵之事其職亦為相近故既入於奉宸苑篇而節錄注文于此至漢有狗監則與今之養鷹狗處事務亦相等也

風俗通掖庭有獄令丞又暴室丞宮人獄也一作
薄室

三輔黃圖永巷永長也宮中之長巷幽閉宮女之
有罪者武帝時改為掖庭置獄焉

謹案成帝紀上使御史收劉輔繫掖庭秘獄後
以辛慶忌廩褒師丹谷永上書乃徙繫考工獄
考工獄亦近中禁然比之掖庭獄則又有中外
之殊矣移獄考工其按治或稍輕歟

史記景帝本紀中六年四月置左右內官屬大內
漢書東方朔傳內官有獄

漢書王商傳左將軍請召王商詣若盧詔獄注孟
康曰黃門北寺也

謹案宮中慎刑之職自掖庭而內列代不詳惟
漢書若盧獄令黃門北寺詔獄皆屬少府內府
有獄其初亦屬少府最為近之又考後漢紀桓
帝紀白馬令李雲上書移副三府云云上得雲

書大怒送雲黃門北寺使中常侍管霸與御史
廷尉雜考之然則漢時外庭庶官亦間繫黃門
北寺蓋黃門北寺獄之近中禁者桓帝怒雲欲
加嚴讞故特於秘獄治之非常例也

史記平準書卜式不願為郎上曰吾有羊上林中
欲令子牧之式乃拜為郎布衣屨而牧羊歲餘羊肥
息

謹案史記言卜式拜為郎牧羊上林苑中是漢

時慶豐之職亦上林苑之所有事也今故採錄之以見其概

周禮圉人牧百獸鄭康成注備養衆物也今掖庭有鳥獸自熊虎孔雀至于狐狸鳧鶴備焉

三輔黃圖少府飲飛外池漢儀注飲飛具繒繳以射鳧雁給祭祀故有池

後漢書百官志少府卿一人中二千石本注曰掌中服御諸物衣服寶貨珍膳之屬丞一人比千石

大醫令一人六百石本注曰掌諸醫藥丞方丞各一人本注曰藥丞主藥方丞主藥方太官令一人六百石本注曰掌御飲食左丞甘丞湯官丞果丞各一人本注曰左丞主飲食甘丞主膳具湯官丞主酒果丞主果守宮令一人六百石本注曰主御紙筆墨及尚書財用諸物封泥丞一人掖庭令一人六百石本注曰宦者掌後宮貴人采女事左右丞暴室丞各一人本注曰宦者暴室丞主中婦人

疾病者就此室治其皇后貴人有罪亦就此室御
府令一人六百石本注曰宦者典宮婢作中衣服
及補浣之屬丞織室丞各一人本注曰宦者祠祀
令一人典中諸小祠祀丞一人本注曰宦者中藏
府令一人六百石本注曰掌中幣帛金銀諸貨物
丞一人尚方令一人六百石本注曰掌上手工作
御刀劍諸好器物丞一人

劉昭後漢書志注武帝初置水衡都尉秩比二千石別

立上林苑世祖省之并其職于少府每立秋驅之
日輒暫置水衡都尉事訖乃罷之

南都賦水衡虞人修其營表

後漢書桓帝本紀建和元年芝草生中黃藏府

漢注

官儀曰中黃藏府掌
中幣帛金銀諸貨物

後漢書和帝本紀永元九年十二月復置若盧獄
官

謹案東漢光武併省少府禁錢一以歸之司農故

少府官屬裁省過半至水衡都尉則廢去不設
唯軀劉之日暫置旋罷然其季世乃轉有開邸
鬻爵歛而入私藏者蓋宮掖之費必不能去而
欲盡黜少府之儲藏勢不可久行也至前漢侍
御皆用士人東漢始多以宦者為之古意亦漸
失矣東漢之祠祀令典中諸小祠祀與今掌儀
司之職相近故並著之

三國

冊府元龜魏之九卿並與漢同又有殿中監一人

品第七

殿中之名自此始也

掌張設監護之事有殿中奉乘

郎從五品下

三國魏志王觀傳王觀為少府統三尚方御府內

藏玩弄之物

魏文帝集讓禪表謹拜章陳情使行相國永壽少

府冀土臣毛宗奏並上璽綬

玉海少府魏王觀揚阜常林管輅為丞

通典魏官第三品九卿第六品水衡典虞第七品
殿中監諸卿尹丞尚藥監尚食監大農監第九品
殿中監掌事

通典後漢少府有中藏府令丞魏氏因之○漢末
分尚方為左中右三尚方魏晉因之

魏文帝集張登為大官令詔登忠義彰著在職功
勤名位雖卑直亮宜顯饗膳近在當得此吏今以
登為大官令

謹案三國魏少府列于九卿其所統屬並同後漢而始定為第三品之級及設有殿中監以司親近供御之職其品頗微其官則為後代殿中之所自始矣至漢有水衡都尉主上林苑並主禁錢魏仍其名而所主者天下舟船河渠之政其後遂易為都水使者與漢職不同今不復載焉

晉

晉書職官志少府統材官校尉中左右三尚方中
黃左右藏左校甄官平準奚官等令在校坊鄴中
黃左右藏油官等丞及渡江哀帝省并丹陽尹孝
武復置自渡江唯置一尚方又省御府

通典晉冶令掌工徒鼓鑄隸衛尉江左以來省衛
尉始隸少府○晉有左右藏今屬少府

謹案晉傳中丞集劾夏侯承奏少府夏侯承取
官田立私屋近小人妻以家計令工匠竊盜官

物附益於私其謂令工匠竊盜官物卽通典所云掌令工徒鼓鑄之類是也謂取官田立私屋則晉之少府所掌亦當如漢表所云漁地澤之稅矣

晉書職官志光祿勳統東園匠太官御府守宮黃門掖庭清商華林園暴室等令哀帝興平二年省光祿勳并司徒考武寧康元年復立

通典守宮令丞晉屬光祿勳○魏置殿中監晉因

之

謹案晉承魏制立少府以統諸署而太官御府
諸職又分隸於光祿勳考光祿勳在秦為郎中
令漢始易為光祿勳所掌宿衛諸郎如今領侍
衛大臣之比而晉分少府屬官以隸之者以其
官居禁中職守相近故也至哀帝省少府而併於
丹陽尹省光祿勳而併於司徒其後復仍立之
蓋裁省不一而職掌所在大槩則固相同也

宋齊梁陳

宋書百官志少府一人丞一人掌市服御之物左
尚方令丞各一人右尚方令丞各一人并掌造軍
器晉江右有中尚方左尚方右尚方江左以來惟
一尚方宋高祖踐祚以相府部配臺謂之左尚方
而本署謂之右尚方焉又以相府細作配臺即其
名置令一人丞二人隸門下世祖大明中改曰御
府置令一人丞一人御府二漢世典官婢作褻衣

服補浣之事後廢帝初省御府置中署隸右尚方
漢東京太僕屬官有考工令主兵器尚方令唯主
作御刀綬劍諸玩好器物而已然則考工令如今
尚方尚方令如今中署矣

通典殿中監晉宋並同○宋少府領左右尚方御
府東冶南冶平準等令丞

謹案宋少府殿中監之制視魏晉多從簡省其
尚方令主作兵器而御府及中署之以細作配

臺特置者亦隸右尚方則宮中工作固其兼職
非專以武器為任故列代尚方官既見于此而
武備院篇亦從互見焉

南齊書百官志少府府置丞一人領官如左○左
右尚方令各一人丞一人鍛署丞一人永明三年
省四年復置御府令一人丞一人東冶令一人丞
一人南冶令一人丞一人平準令一人丞一人○
尚書令內外殿中監一人

謹案齊制與宋多同惟尚書令之殿中有內外
監之名為宋所未有宋置御府後改中署而齊
則仍曰左右尚方為此少異耳

隋書百官志梁初猶依宋齊皆無卿名天監七年
加置太府卿以少府為少府卿是謂夏卿○太府
卿位視宗正掌金帛府帑統左右藏令上庫○少
府卿位視尚書左丞置材官將軍左右中尚方甄
官平水署置南塘邱稅庫東西冶中黃細作炭庫

紙官柴署等令丞○光祿卿統守宮黃門華林園
暴室等令

通典太府卿歷代不置然其職在司農少府至梁
天監七年始置○梁官三品曹位殿中外監上庫
令細作令作堂金銀局丞三品勲位殿中內監左
尚方五丞右尚方四丞

玉海梁始置太府卿掌府庫少府專為供服御之

官

隋書百官志陳太府卿少府卿品並第三

謹案梁置太府卿掌金帛府帑蓋分少府所掌而別為置官此後代太府之所由起也左右尚方諸令屬於少府猶與古同而名之為卿亦自梁始守宮暴室諸令屬於光祿制與晉同皆為漢少府之職至殿中監有內外之分而以三品曹位勲位分隸之不入諸班之次亦與列代為少異陳官並用梁制其史文之脫畧者不復詳

焉

後魏

魏書官氏志初置左右近侍之職無常員或至百數侍直禁中傳宣詔命皆取諸部大人及豪族良家子弟儀貌端嚴機辯才幹者應選又置內侍長四人主顧問拾遺應對若令之侍中散騎常侍也置都統長又置幢將及外朝大人官其都統長領殿內之兵直王宮幢將員六人主三郎衛士直宿禁中

者自侍中已下中散已上皆統之外朝大人無常
員主受詔命外使出入禁中國有大喪大禮皆與
叅知隨所典焉少府第三品上中黃門令內署令
第四品中掖庭監從第五品上諸局監水衡都尉
從第五品中嘗藥監殿中監從第五品下諸宮門
僕從六品中世宗班行職令大府卿第三品太府
少卿第四品諸署令千石以上者從第八品諸署
令六百石以上者第九品諸署令不滿六百石者

從第九品

冊府元龜後魏殿中監從五品下又有掌服郎從六品上又分太官令尚食中尚食掌知御膳尚食門下省領之中尚食集書省領之

通典後魏太和中改少府為太府卿兼有少卿掌財物庫藏

洛陽伽藍記建春門內御道南有鈎盾典農籍田三署

謹案後魏初官制未備其後有少府殿中監之
職而殿中品秩視晉宋為較隆太和中改少府
為太府置卿及少卿其所屬之官有諸署令千
石以上六百石上下之分而史志統言諸署其
所掌之為何署亦莫得而詳也魏又有水衡都
尉與河隄使者並列蓋亦主水之官與漢之兼
掌禁錢者又不同矣

北齊

隋書百官志後齊制太府寺掌金帛府庫營造器
物統左中右三尚方左藏司染諸治東西道署黃
藏右藏細作左校甄官等署令丞左尚方又別領
別局樂器器作三局丞中尚方又別領別局涇州
絲局雍州絲局定州紬綾局四局丞右尚方又別
領別局丞司染署又別領京坊河東信都三局丞
諸治東道又別領湓口武安白間三局丞諸治西
道又別領晉陽冶泉郡大邳原仇四局丞甄官署

又別領石盧丞○門下省掌獻納諫正及司進御

之職侍中給事黃門侍郎各六人錄事四人通事

令史主事令史八人統局六領左右局領左右各

二人

掌知朱華閣內諸事宣傳已下白衣齋子已上皆主之

左右直長四人

尚食局典御二人

總知御膳事

丞監各四人尚藥局典

御及丞各二人

總知御藥事

侍御師尚藥監各四人主

衣局都統子統各二人

掌御衣服玩等事

齋帥局齋帥四

人

掌鋪設洒掃事

殿中局殿中監四人

掌駕前奏引行事制請修補東耕則

進來
貂

中侍中省掌出入門閤中侍中二人中常侍
中給事中各四人又有中尚藥典御及丞并中謁
者僕射各二人中尚食局典御丞各二人監四人
內謁者局統丞各二人

通典北齊官第三品太府卿第四品太府少卿第
五品主衣都統尚食尚藥典御從五品中尚食中
尚藥典御從六品中尚食中尚藥等丞從八品鈞
盾左右尚方左藏掖庭東西牛羊司諸署令正九

品細作署令

謹案北齊官承魏制不設少府而以太府寺及
門下省分統其職其殿中監為門下省之所統
屬六局中尚藥尚食典御又為中侍中省之所
分隸與前代之制作異而職守固有在也至所
設涇州雍州定州諸絲綬局即漢三服官之遺
意與今之織造監督為相近焉

後周

通典後周官正五命天官左宮伯主膳太府計部
等中大夫冬官司木司土司金司水等中大夫正
四命天官小左宮伯小膳部小計部等下大夫冬
官小司木小司土小司金小司水司玉司皮司織
司弁等下大夫正三命天官小右宮伯掌式小膳
部內膳太府玉府內府縫工小計部等上士夏官
典祀典牡等上士冬官內匠掌材小司木小司土
小司金小司水小司玉小司皮小司織小司弁等

上士正二命天官司服掌式內膳典庖玉府內府
縫工等中士夏官典牝典牡典駝典羊等中士冬
官內匠掌材等中士正一命夏官典駝典羊等下
士

謹案後周倣成周之典以制官漢晉以來諸官
名皆廢而不用至其職掌則固無大殊者今撫
錄通典天官冬官各條以存其概其後此改更
之制則不可復考焉

隋

隋書百官志門下省統城門尚食尚藥符璽御府
殿內等六局尚食局典御二人直長四人食醫四
人尚藥局典御二人侍御醫直長各四人醫師四
十人符璽御府殿內局監各二人直長各四人○
內侍省領內尚食掖庭宮闈奚官內僕內府等局
○太府寺統左藏左尚方內尚方右尚方司染右
○藏黃藏掌冶甄官等署各置令丞等員○煬帝即

位多所改革分門下太僕二司取殿內監名以為殿內省分太府寺為少府監殿內省置監少監丞各一人掌諸供奉統尚食尚藥尚衣尚舍尚乘尚輦等六局各置奉御二人皆置直長以貳之尚衣即舊御府也改名之○少府監置監少監各一人丞二人統左尚右尚內尚司織司染鐵甲弓弩掌冶等署復改監少監為令少令

通典宮闈局令隋置令掌宮內門閤之禁及出納

神主并內給使名帳糧廩事

謹案隋高祖改周之六官仍以門下省太府寺分統供御之職而掖庭內府等局則屬之內侍省蓋與齊之制相為彷彿至煬帝更官制分門下省以為殿內省所統六局仍由殿內以隸于門下蓋徒見更革之繁而法制亦無大異耳殿中之為殿內以避武元皇帝嫌名而改也自梁立太府而少府之所掌遂分至魏齊專立太府

而少府之官遂廢隋初所設猶承其制迨煬帝
立少府置監置令于是太府所掌遂止于諸市
平準左右藏諸署而不與供御之職相關矣宮
闈局令始置于隋所掌宮內門閤并內使名帳
廩膳蓋與今之內管領亦為相近也

欽定歷代職官表卷三十七

欽定四庫全書

欽定歷代職官表卷三十八

內務府下

歷代建置

唐

唐書百官志殿中省監一人從三品少監二人從四品
上丞二人從五品上監掌天子服御之事其屬有六局
曰尚食尚藥尚衣尚乘尚舍尚輦少監為之貳

武德元年改殿

內監曰殿中省龍朔二年曰中御府監曰大監丞曰大夫有
令史四人書令史十二人左右仗千牛各十人掌固亭長各
八人舊有天藏府
開元二十二年省 尚食局奉御二人正五品下直長五

人正七品上諸奉御直長品皆如之食醫八人正九品
下奉御掌儲供直長為之貳進御必辨時禁先嘗之饗
百官賓客則與光祿視品秩而供凡諸陵月享視膳乃

獻
龍朔二年改尚食局曰奉膳局諸局奉御皆曰大夫有書令史
二人書吏五人主食十六人主膳八百四十人掌固八人

尚藥局奉御二人直長二人掌和御藥診視凡藥供御中
書門下長官及諸衛上將軍各一人與監奉御涖之藥成

醫佐以上先嘗疏本方具歲月日泣者署奏餌日奉御先嘗殿中監次之皇太子又次之然後進御太常每季

閱送上藥而還其朽腐者左右羽林軍給藥飛騎萬

騎病者頒焉

龍朔二年改尚藥局曰奉醫局有按摩師四人呪禁師四人書令火二人書吏四人

直官十人主藥十二人藥童三十人合口脂匠二人掌固四人

尚衣局奉御二人直

長四人掌供冕服几案祭祀則奉鎮圭於監而進

于天子大朝會設案

龍朔二年改尚衣局曰奉冕局有書令史三人書吏四人主衣

十六人掌固四人

尚舍局奉御二人直長六人掌殿庭祭

祀張設湯沐燈燭灑掃之事○閑廐使以殿中監
承恩遇者為之押五坊以供時狩一曰鵬坊二曰
鵠坊三曰鷄坊四曰鷹坊五曰狗坊侍御尚醫二
人正六品上主事二人從九品上

謹案唐殿中監領六局其四局為今內務府諸
司之職其尚乘尚輦二局分著於鑾儀衛太僕
寺篇中茲不具列殿中監又有閑廐使與上駟
院之職相近惟所領五坊以供時狩者為今養

鷹狗處之制故附著於此

唐書百官志內侍省監二人少監二人○監掌內

侍奉宣制令其屬六局曰掖庭宮闈奚官內僕內

府內坊少監內侍為之貳皇后親蠶則升壇執儀

大駕出入為夾引

武德四年改長秋監曰內侍監內承奉曰內常侍內承直曰內

給事龍朔二年改監為省武后垂拱元年曰司宮臺天寶十三年置內侍監改內侍曰少監尋更置

內侍內謁者監十人掌儀法宣奏承勅令掖庭局令

二人丞三人掌宮人簿帳女工宮闈局令二人丞

二人掌侍宮闈出入管籥奚官局令二人掌奚隸
工役宮官之品內僕局令二人丞二人掌中宮車
乘內府局令二人丞二人掌中藏寶貸給納之數
及供燈燭湯沐張設

謹案內侍省之名昉於隋代其職則自秦漢以
來即有長秋之制惟漢法叅用士人至後代則
專用奄宦寢失古意考唐內侍省六局所掌皆
今內務府廣儲掌儀諸司及內管領之職

聖朝慎重職司一不以奄豎參預其事洵超軼前古之制非隋唐所可幾及矣茲以內侍省官制中頗有近於內務府者並採附篇內以著前代之得失其列代宦官不盡著焉

唐書百官志少府監一人從三品少監二人從四品下掌百工技巧之政總中尚左尚右尚織染掌冶五署及諸冶鑄錢互市等監供天子器御后妃服飾及郊廟圭玉百官儀物凡武庫袍襦皆識其

輕重乃藏之冬至元日以給衛士諸州市牛皮角以供用牧畜角筋腦革悉輸焉細縷之工教以四年車路樂器之工三年平漫刀稍之工二年矢鏃竹漆屈柳之工半焉冠冕弁幘之工九月教作者傳家技四季以令丞試之歲終以監試之皆物勤工名丞六人從六品下掌判監事給五署所須金石齒革羽毛竹木所入之物各以名數州土為籍工役衆寡難易有等差而均其勞逸主簿二人從

七品下錄事二人從九品上

武德初廢監以諸署隸太府寺貞觀元年

復置龍朔二年改曰內府監武后垂拱元年曰尚方監有府二十七人史十七人計史三人亭長八

人掌固六人短蕃匠五十二十九人綾錦坊巧兒三百六十五人內作使綾匠八十三人掖庭綾匠

百五十人內作巧兒四十二人配中尚署令一人京都諸司諸使雜匠百二十五人

從七品下丞二人從八品下掌供郊祀圭璧及天

子器玩后妃服飾彫文錯綵之制凡金木齒革羽

毛任土以時而供歲二月獻牙尺寒食獻毬五月

獻綬帶夏至獻雷車七月獻鈿針臘日獻口脂唯

筆琴瑟絃月獻金銀暨紙非旨不獻製魚袋以給

百官蕃客賜寶鈿帶魚袋則授鴻臚寺丞主簿監

作四人從九品下凡監作皆同品

有府九人史十人典事四人

掌固四人唐改內尚方署曰中尚方署武后改少府監曰尚方監而中左右尚方織染方掌治方五

署皆去方以避監自是掌冶署令一人正八品上

丞二人正九品上掌范鎔金銀銅鐵及塗飾琉璃

玉作銅鐵人得採而官收以稅唯鑪官市邊州不

置鐵冶器用所須皆官供凡諸冶成器上數於少

府監然後給之監作二人

有府六人史十二人典事二十三人掌固四人

冊府元龜哀帝天祐三年勅牛羊司收管御厨羊并乳牛等御厨物料並送河南府收管其牛羊司官使並宜停廢

謹案唐少府官制詳於工作而畧於儲藏蓋既有太府之左右藏以為外府復有內侍省之內藏主以中人則貨賄已有分掌之司無須歸於少府也天寶後設百寶大盈庫皆以中官主之

謂之內庫其後又有瓊林大盈延資庫等名焉

五季

舊五代史梁太祖本紀開平元年改御合使為司

膳使

五代會要晉開運三年二月詔少府監今後凡修

制親王婚禮法物並冊文出降公主九樹花釵箱

盞宜令不得用龍鳳紅條帕

冊府元龜後唐莊宗同光初諸寺監各只置大卿

其餘官屬並權停

玉海後唐聶元祚為少府監

冊府元龜後唐杜紹光為少府少監天成二年上
言當司掌朝服儀仗祭器服兵戈已來散失向盡
往例有丞主簿五署令共一十六員自偽梁廢省
乞下中書量置丞簿署令分主當局公事○杜憬
為殿中丞天成四年上言以本司法物寄於寺觀
請量修公署

王海晉李錯少帝時為少府監

冊府元龜後唐莊宗即位以李紹宏為宣徽南院使兼掌內勾天下財穀皆委裁遣○孟漢瓊明宗時為宣徽北院使○晉漢以來宣徽院有內班之名周循其舊而史闕官號

謹案五季官制缺畧無足採証今考諸書所載少府令丞主簿廢於梁時諸卿少卿停於唐代乃至儀仗散失法物或寄於寺觀其草畧可見

後唐以宦者為宣徽使主天下財穀蓋亦循唐
時內庫之制而宣徽之名實首見於此也

宋

宋史職官志宣徽南院使北院使掌總領內諸司
及三班內侍之籍郊祀朝會宴饗供帳之儀應內
外進奉悉檢視其名物舊制以檢校為使或領節
度及兩使留後闕則樞密副使一人兼領二使亦
有兼樞密副使簽書樞密院者南院資望比北院

頗優然皆通掌止用南院印二使共院而各設廳
事其吏史則有都勾押官各一人前行三人後行
十二人分掌四案一曰兵案二曰騎案三曰倉案
四曰胄案故事與參知政事樞密副使同知樞密
院事以先後入叙位熙寧四年詔位參政樞副同
知下著為令九年詔今後遇以職事侍殿上或中
書樞密院合班問聖體及非次慶賀並特序二府
班官制行罷宣徽院以職事分隸省寺而使號猶

存

謹案宋代樞密宣徽三司使謂之內職而宣徽掌總領內諸司及三班內侍之職是南北院使正如今內務府總管之任故錄著於篇中

宋史職官志殿中省監少監監丞各一人監掌供奉天子玉食醫藥服御幄帟輿輦舍次之政令少監為之貳丞參領之凡總六局曰尚食掌膳羞之事曰尚藥掌和劑診候之事曰尚醞掌酒醴之事

曰尚衣掌衣服冠冕之事曰尚舍掌次舍幄帟之

事曰尚輦掌輿輦之事

六尚各有典御二人奉御六人或四人監門二人或

一人又尚食有膳工尚藥有醫師尚醢有酒工尚衣有衣徒尚舍有幕士尚輦有正供等皆分隸其

局

又置提舉六尚局及管幹官一員舊殿中省判

省事一人以無職事朝官充雖有六尚局名別有

事存凡官隨局而移不領于本省所掌唯郊祀元

日冬至天子御殿及禘祫后廟神主赴太廟供具

繖扇而殿中監秘書監為寄祿官而已元豐中神

宗欲復建此官而度禁中未有其地但詔御輦院
不隸省寺令專達焉初權太府卿林顏因按內藏
庫見乘輿服御雜貯百物中乃乞復殿中省六尚
以嚴奉至尊於是徽宗乃出先朝所度殿中省圖
命三省行之○御藥院勾當官無常員以入內內
侍充掌按驗秘方以時劑和藥品以進御及供奉
禁中之用典八人藥童十一人匠七人
崇寧二年併入殿中省
○尚衣庫使副使舊曰尚衣庫大中祥符三年

改監官二人以內侍三班充掌駕頭服御繖扇之

名物凡御殿大禮前一日請乘輿袞冕鎮圭袍服

於禁中以待進御事已復還內庫典一人匠四人

掌庫十人○內衣物庫

在文德殿後太平興國二年置受納匹段庫受納綾

錦西川鹿胎綾羅絹匹段大中祥符元年併入

監官二人以京朝官并內

侍充

舊三人以諸司使副及三班內侍充

掌受納錦綺綾羅色帛銀

器腰束帶料造年支準備衣服以待頒賜諸王宗

室文武近臣禁軍將校時服并給宰臣親王皇親

使相生日器幣兩府臣僚百官皇親轉官中謝朝

辭特賜及大遼諸外國人使辭見銀器射弓衣帶

典八人掌庫二十一人○親衣庫

在太
平坊

監官二人

以諸司使副三班及內侍充掌受錦綺雜帛衣服

之物以備給賜及邦國儀注之用并受納衣服以

賜諸司丁匠諸軍監門二人以三班使臣充典十

人掌庫五十人○朝服法物庫

太平興國二年
置後分三庫一

在天安殿後一在右掖門
內北廊一在正陽門外

監官二人以諸司使副

及三班內侍充掌百官朝服諸司儀仗之名物典

三人掌庫三十人已上崇寧二年併入殿中省

舊有

裁造院針線院雜賣場後省併之

馬端臨文獻通考太府寺卿掌財貨出納貿易之事凡貢賦之輸於京師者至則別而受之供君之用及待邊費則歸於內藏供國之用及待經費則歸於左藏所隸官司二十有五內藏庫掌受歲計之餘積以待邦國非常之用奉宸庫掌供內庭凡

金玉珠寶良貨賄藏焉祇候庫掌受錢帛器皿衣服以備傳詔頒給及殿庭賜予審計司掌審受給數驅磨當否商稅務收京城商稅店宅務掌管官邸店

謹案唐太府唯掌左右藏以待經費內藏供奉之職不與焉至宋則分受供君供國之用而設官尤廣故內藏奉宸祗候皆如今廣儲司之掌審計則如會計司而商稅務店宅務亦如今崇

文門監督官房租庫之總領於內務府也

石林燕語內香藥庫在謬門外凡二十八庫真宗
賜御製七言二韻詩一首為庫額曰每歲沉檀來
遠裔累朝珠玉寶皇居今辰內府初開處克物尤
宜史筆書

謹案真宗詩所云內府當即宋志內藏庫內香
藥庫近於今之御藥房矣

玉海少府監掌造門戟旌節祭玉法物及供祭器

鑄印以朝官判元豐四年十一月五日詔鑄省臺
等監印記凡六十三官制行總局四掌百工技巧
乘輿服御之物祭祀朝會禮樂之器服皆有法式
冊寶符節度量權衡之制亦如之

文獻通考宋少府監判監事一人以朝官充凡天
子器玩后妃服飾雕文錯彩工巧之事分隸於文
思院後苑造作所本監但掌造門戟神衣旌節郊
廟諸壇祭玉法物鑄牌印朱記百官拜表案褥之

事元豐正官制置監少監丞主簿各一人所隸官屬五文思院掌造金銀犀玉工巧之物金采繪素裝鈿之飾以供輿輦冊寶法物及凡衣服之用監官文臣一員武臣二員綾錦院掌織絳錦繡以供乘輿及凡服飾之用監官三人以京朝官諸司使副及內侍充裁造院掌裁製服飾監官二人文繡院掌纂繡以供乘輿服御及賓客祭祀之用建炎初以將作少府監併歸工部紹興三年復置將作

監少府事統焉○入內內侍省內侍省其屬有御藥院勾當官四人掌按驗方書修合藥劑以待進御及供奉禁中之用內東門司勾當官四人掌宮禁人物出入周知其名數而譏察之合同憑由司監官二人掌禁中宣索之物給其要驗造作所掌造作禁中及皇屬婚娶之名拜龍圖天章寶文閣勾當官四人掌藏祖宗文章圖籍及符瑞寶玩之物而安像設以崇奉之翰林院勾當官一人總天

文書藝圖畫醫官四局凡執伎以事上者皆在焉
隣幾雜志文思院不知緣何得此名或云量名待
文思索或說殿名聚工巧於其側因名之曰文思
院

謹案宋初文思院後苑造作所別有官屬不隸
少府元豐定制始改隸之今廣儲司造辦處諸
職其時皆為少府所統迨南渡以後廢少府隸
工部以文思院屬之其官屬並從工部辟差旋

又改隸將作監變更不一其職事則皆同也內
侍省官屬御藥院猶今之藥房合同憑由司猶
今之會計司造作所猶今之造辦處龍圖天章
寶文閣勾當官翰林院勾當官猶今

武英殿

御書處

文淵閣管理事務諸職蓋前代內侍所掌者至我
朝而特設官職始釐正其體統焉

遼

遼史百官志宣徽北院太宗會同元年置掌北院
御前祇應之事北院宣徽使知北院宣徽事北院
宣徽副使同知北院宣徽事○宣徽南院會同元
年置掌南院御前祇應之事南院宣徽使知南院
宣徽事南院宣徽副使同知南院宣徽事○北面
御帳官奉宸司掌供奉宸御之事○北面著帳官
筆硯局筆硯祇候郎君筆硯吏牌印局牌印郎君

裊褥局裊褥郎君燈燭局燈燭郎君牀幔局牀幔
郎君殿幄局殿幄郎君車輿局車輿郎君御蓋局
御蓋郎君本班局本班郎君○承應小底局筆硯
小底寢殿小底佛殿小底司藏小底習馬小底鷹
坊小底湯藥小底尚飲小底盥漱小底尚衣小底
裁造小底○北面宮官諸行宮都部署院總契丹
漢人諸行宮之事諸行宮都部署知行宮都部署
司事諸行宮副部署諸行宮判官○契丹行宮諸

部署司總行在軍諸鄂爾多

滿洲語亭也原作之
幹魯朵今改正

政令契丹行宮都部署知契丹行宮都部署事契

丹行宮副部署契丹行宮判官○行宮諸部署司

掌行在諸宮之政令行宮都部署行宮副部署行

宮部署判官○北面坊場官諸坊職名總目某坊

使某坊副使某坊詳衮

蒙古語理事官也
原作詳穩今改正

使某坊

詳衮某坊都監鷹坊鐵坊五坊未詳八坊內有軍

器坊未詳

謹案遼官分北面南面以上皆北面官也其供御之官至為繁多職掌雖不盡可考而以類求之皆可得其彷彿史言遼宣徽視工部蓋以其專主工作言之是猶唐宋少府也奉宸祗候在宋為殿中省之屬而承應諸職則服食寢處之事皆備矣行宮部署院諸司猶今日行宮之有總管苑丞而八坊使內有鷹坊鐵坊餘雖未詳蓋皆近於都虞之職也

遼史百官志南面朝官殿中司殿中聖宗開泰元年見殿中高可恒殿中丞尚舍局見遼朝雜禮奉御尚乘局奉御尚輦局奉御尚食局奉御尚衣局奉御○宣徽院太宗會同元年置宣徽使知宣徽院事馬得臣統和初知宣徽院事宣徽副使同知宣徽使事同知宣徽院事○內省內省使聖宗太平九年初見內省使內省副使內藏庫內藏庫提點道宗清寧元年見內藏庫提點耶律烏爾古蒙古

語華生也原作耶
律烏骨今改正

○諸監職名總目某太監某少

監某監丞某監主簿○太府監○少府監○將作

監

謹案以上皆南面官也史言宣徽等官雖分北
南其所治皆北面之事蓋指其供奉宮廷者而
言也南面朝官大率承倣唐制而強半缺畧元
人修史時已不能盡得其詳僅於史文之散見
者推而得之今撫取其近於內務府者錄之以

著一代設官之畧焉

金

金史百官志工部屬官修內司

大定七年設

使從五品

副使從六品掌宮中營造事

兵匠一千六十五人
兵夫二千人仍命少

府監長
官提控

直長二員正八品部役官四員正八品掌

監督工役受給官二員正八品掌支納諸物祇應

司提點從五品令從六品丞從七品掌給宮中諸

色工作直長正八品收支庫都監同監

泰和元年置

謹案修內祇應二司如今之營造司及造辦處
列代皆屬少府而金獨隸於工部以其為供給
宮中工作故別著於此

金史百官志殿前都點檢司宮籍監提點正五品
監從五品副監從六品丞從七品掌內外監戶及
地土錢帛小大差發直長二員正八品掌同丞近

侍局提點正五品泰和八年朔設使從五品副使
從六品掌侍從承勅令轉進奏帖直長正八品

大定

十八年增二員奉御十六人舊名八寢殿小底奉職三十人舊名不入寢殿小底又名外帳小底皆大定十二年更鷹坊提點正五品使從五品副使從六品

掌調養鷹鵠海東青之類直長正八品不限員管勾

從九品不限員
數資考

謹案金制殿前都點檢司蓋兼古殿中監之職

與宋代殿前司專掌宿衛武職者不同故宮籍提點近侍提點如今內管領之職而鷹坊提點則今養鷹狗處之職其所屬侍衛指揮等官已

別見領侍衛篇茲不具錄

金史百官志宣徽院左宣徽使正三品右宣徽使

正三品同知宣徽院事正四品同簽宣徽院事正

五品宣徽判官從六品掌朝會燕享凡殿庭禮儀

及監知御膳

所隸弩手傘子二百三十九人控鶴二百人

尚衣局提點

正五品使從五品副使從六品掌御用衣服冠帶

等事都監正九品

舊設後罷

直長正八品同監正九品

尚食局

元光二年參用近侍奉御奉職

都監三員正九品

不限資考生

料庫都監同監各一員掌給受生料物色收支庫

都監同監各一員掌給受金銀裏諸色器皿

以外路差

除人內
選充

尚藥局提點正五品使從五品

由職官
內選除副

使從六品掌進湯藥茶果直長正八品都監正九

品果子局都監同監各一員掌給受進御果子

本局

本把
四人

御藥院提點從五品直長正八品掌進御湯

藥

明昌五年設以
親信內侍人充

都監正九品

不限員泰
和令四員

同監從

九品

不常除泰
和令無

內藏庫

大定二年
分為四庫

使從五品副使

從六品掌內府珍寶財物率隨庫都監等供奉其

事直長一員

永安三年增

頭面庫都監正九品同監從

九品

本把十人大定二年出身依不入寢殿小底例

段匹庫都監正九品

同監從九品

本把十人

金銀庫都監正九品

本把八人雜

物庫都監正九品同監從九品

本把八人每庫知書各二人

宮

閤局

舊名宮閤司大定二年改為局舊設今丞改為使副

提點正五品使從

五品副使六品掌宮中閤門之禁率隨位都監同

監及內直各給其事直長正八品內直一百七十

人後作百七十九人

王圻續文獻通考金內侍職見於衛尉司內侍局中常侍見於宣徽使內其事多分領於宣徽使而內侍省不設

謹案金內侍諸職多領於宣徽使而內侍省不設深得成周奄人領於冢宰漢代宦官屬於少府之遺意今考宣徽使尚衣尚食等局即殿中監之六尚也御藥內藏庫金銀庫即內侍省之

御藥房內庫使也是宣徽一院合二省而兼理之與今日內務府之職掌最為脗合

續文獻通考金太府監官屬典給署屬焉

典給署本鈎盾

署古屬司農寺金初曰鈎盾使明昌三年改掌宮中所用薪炭冰燭

金史百官志少府監尚方織染文思裁造文繡等

署隸焉

泰和四年選能幹官兼儀鸞局近上官

監正四品少監從五

品丞二員從六品

大定十一年省二十一年復置

掌邦國百工營

造之事尚方署令從六品丞從七品掌金銀器物

亭帳車輿牀榻簾席鞍轡傘扇及裝釘之事

大定二十

年令不專除人令人兼

直長正八品圖畫署

明昌七年祇應司

令從

六品丞從七品掌圖畫縷金匹直長正八品

明昌三年

罷

裁造署令從六品丞從七品掌造龍鳳車具亭

帳鋪陳諸物宮中隨位牀榻屏風簾額條結等及

陵廟諸物并省臺部內所用物

泰和今有繪畫之事

直長從

八品

明昌三年省裁造匠六人針工婦人三十七人

文繡署令從六品丞

從七品掌繡造御用并妃嬪等服飾及燭籠照道

花卉

貞祐二年止
設官一員

直長正八品

繡工一人
都繡頭一人
副繡頭一人

女四百九十六人
內上等七人
次等凡四各二十六人

文思署

明昌七年省
入祗應司

令從六品丞從七品掌造內外局分印合傘浮圖

金銀等尚輦儀鸞局車具亭帳之物并三國生日

等禮物造織染文繡兩署金線直長正八品

明昌三年

省
去

元

元史百官志宣徽院秩正三品掌供玉食凡稻粱

牲牢酒醴蔬果庶品之物燕享宗戚賓客之事及

諸王宿衛齊哩克

蒙古語兵也原作怯憐今改正

口糧食蒙古萬

戶千戶合納差發係官抽分牧養孳畜歲支芻草

粟菽羊馬價直收受關遺等事與尚食尚藥尚醞

三局皆隸焉所轄內外司屬用人則自為選大都

尚飲局秩從六品掌醞造上用細酒大都尚醞局

秩從六品掌醞造諸王百官酒醴大都醴源倉秩

從六品掌受香莎蘇門等酒材糯米鄉貢麴藥以

供上醞及歲賜諸王百官者尚珍署秩從五品掌
收濟寧等處田土子粒以供酒材安豐懷遠等處
稻田提領所秩從九品掌稻田布種歲收子粒轉
輸醴源倉諸物庫秩從七品掌出納關遺監秩正
四品掌不關奚人口頭足諸物尚食局秩從五品
掌供御膳及出納油麵酥蜜諸物大都生料庫秩
從五品大都上都柴炭局各一尚收局秩從五品
沙糖局秩從五品掌沙糖蜂蜜煎造及方貢果木

豐儲倉秩從九品大使一員掌出納車駕行幸支
持膳羞

謹案元宣徽院兼統光祿寺諸職與列代異而
醴源倉之供上醞尚食局之供御膳則仍為古
殿中監之職其柴炭沙糖諸局亦與都虞司茶
膳房諸職相近故並錄之又元太醫院屬官有
御藥局使副亦即今內藥房之職併識於此
元史百官志提舉右八作司秩正六品掌出納內

府漆器紅瓷梢隻等並在都局院造作等物提舉
左八作司秩正六品掌出納內府擅貨柳器等物
謹案左右八作提舉司為工部屬官以其職掌
出納內府諸物故互見於此其職近廣儲營造
二司之所掌也工部屬官又有晉寧路冀寧路
南宮中山等路織染提舉司如今織造之比文
繁不具載附識其大概于此

元史百官志將作院秩正二品掌成造金玉珠翠

犀象寶貝冠佩器皿織造刺繡段匹紗羅異樣百
色造作至元三十年始置諸路金玉人匠總管府
秩正三品掌造寶貝金玉冠帽繫腰束帶金銀器
皿并總諸司局事異樣局總管府秩正三品異樣
紋繡提舉司綾錦織染提舉司紗羅提舉司秩從
五品紗金顏料總庫秩從九品

續文獻通考江淮等處財賦都總管府杭州織染
局大使副使相副官各一員黃池織染局大使副

使相副官各一員建康織染局大使副使相副官各一員

元史百官志太府監秩正三品領左右藏等庫掌錢帛出納之數中統四年置至元四年為宣徽太府監凡內府藏庫悉隸焉八年陞正二品大德九年改為院秩從二品院判參用宦者至大四年復為監內藏庫提點秩從五品掌出納御用諸王段足納奇實

原作納失今改正

紗羅絨錦南錦香貨諸物右

藏提點四員掌收支金銀寶鈔濟遜

蒙古語顏色也原作只孫

今改正

段足水晶瑪瑙玉璞諸物至元十九年置左

藏提點四員掌收支常課和買紗羅布絹絲綿絨

錦木綿鋪陳衣服諸物至元十九年置○大都留

守司秩正二品掌守衛宮闕都城調度本路供億

諸務兼理營繕內府諸邸都宮原廟尚方車服殿

廡供帳內苑花木及行幸湯沐宴游之所門禁關

鑰啟閉之事至元十九年罷宮殿府行工部置大

都留守司兼本路都總管府治民事并少府監歸
留守司皇慶元年別置少府監延祐七年罷少府
監復以留守兼監事其屬附見○修內司秩從五
品掌修建宮殿及大都造作等事祇應司秩從五
品掌內府諸王邸第異巧工作修禳應辦寺觀營
繕器物局秩從五品掌內府宮殿京城門戶寺觀
公廨營繕及御用各位下鞍轡瑚格原作忽哥
今改正轎
子帳房車輛金寶器物凡精巧之藝雜作匠戶無

不隸焉中統四年始立御用器物局受省劄至元
七年改為器物局器備庫秩從五品掌殿閣金銀
寶器二千餘事至元二十七年置甸皮局秩正七
品歲辦熟造紅甸羊皮二千有奇儀鸞局秩正五
品掌殿庭燈燭張設之事及殿閣浴室門戶鎖鑰
苑中龍舟圈檻珍異禽獸給用內府諸宮太廟等
處祭祀庭燎縫製簾帷灑掃掖庭○和用監秩正
三品掌出納皮貨衣物之事資用庫提點秩正五

品至元二年置隸太府十年隸和用雜造雙線局
秩從八品掌造內府皮貨鷹帽等物熟皮局掌每
歲熟造野獸皮貨等物軟皮局掌內府細色銀鼠
野獸諸色皮貨斜皮局掌每歲熟造內府各色野
馬皮勝○中尚監秩正三品掌領資成庫羶作供
內府陳設帳房帘幕車輿羽衣之用資成庫秩從
五品掌造羶貨至元二年置隸太府二十三年始
歸於監○章佩監秩正三品掌宦者都古爾齊蒙古

詔盈滿也原作迭
古兒赤今改正

所收御服寶帶御帶庫秩從五

品掌繫腰偏束等帶併繚環諸物供奉御用以備

賜予異珍庫掌御用珍寶后妃公主首飾寶貝○

尚供總管府秩正三品掌守護東涼亭行宮及游

獵供需之事○雲需總管府秩正三品掌守護察

罕諾爾

蒙古語察罕白也諾爾池也原作察哈腦兒今改正

行宮及行營供

辦之事

謹案元廢少府監盡以其事歸大都留守與晉

哀帝時罷少府歸併丹陽尹其制正同但留守
司職辦工作其內府庫藏則皆領于太府監是
亦與後魏北齊之罷少府而歸併太府者體制
相似太府左右藏自古有之以供邦國之經費
唯元則盡為供御之物與古又少異也元又有
和用監中尚監章佩監領各局諸庫為自古所
未有今廣儲六庫營造八作之所司差為相近
尚供雲需兩總管府掌行宮及游獵之事則今

都虞司及

行宮總管皆其職也元官隨處皆置提舉諸路打捕鷹房民匠皆有總管府以理之亦不盡為內務府之職故畧而不載焉

明

續文獻通考明初設文思院等衙門掌造作諸事後裁革以其事歸工部凡少府將作等監皆不設明史職官志宦官十二監司禮監內官監御用監

司設監御馬監神宮監尚膳監尚寶監印綬監直
殿監尚衣監都知監四司惜薪司鐘鼓司寶鈔司
混堂司八局兵仗局銀作局浣衣局巾帽局鍼工
局內織染局酒醋麵局司苑局所謂二十四衙門
也其外有內府供用庫司鑰庫內承運庫十庫甲
字乙字丙字丁字戊字承運廣盈廣惠贓罰御酒
房御藥房御茶房牲口房刻漏房更鼓房甜食房
彈子房靈臺繚作盈甲廠安民廠提督東廠提督

西廠織造市舶監督倉場不可勝紀

謹案明代初設少府後以其事歸工部而少府不設初工部屬官有將作監後改為營繕所又有提督易州山廠掌督御用薪炭之事是工部屬中實有內務府都虞營造二司之職明初設宣徽院後改為光祿寺以尚食尚醢二局隸之又移太常之供需庫隸之光祿又有孳牧所後改司牧司又增設司圃所孳牲所諸職是光祿

所隸又兼有內務府掌儀慶豐二司之任然司
供御者實不屬於部寺而歸之宦官蓋前代少
府殿中宣徽諸職至明代始盡去之所立十二
監四司八局庫房厰使紛紜不一各有提督太
監掌印太監等員內而服食起居庫藏賞賚外
而軍營厰獄礦關採辦無一不以宦官領之借
端恣橫更迭盤踞久之而與叅機密撓亂國是
卒至太阿倒握威福下移宮闈之法度大紊而

國事遂不可為自古供御之弊政未有甚于前明者也我

朝設綱定紀盡革前弊創立內務府為萬世經常之法既分置各司以董厥職並

特簡總管大臣綜理其事其諸衙門各有分守職任之重者皆

命大臣監理之小大綱維悉與周官職制相準彼漢唐以來少府殿中參差更革散寄而無所統一

者洵不足以比量萬一矣

國朝太監職制

附

總管太監

四品亦有以七品執事侍充者

銜二曰宮殿監督領侍曰宮

殿監正侍

○副總管

六品

銜曰宮殿監副侍

亦有係執事侍銜者

○

首領太監銜二曰執事侍

七品

曰侍監

八品

○副首領

侍

八品監

亦有無品級者

○筆帖式

八品侍監惟設事房有之

○太監

無品級

總管首領初定品級皆有正從雍正八年更定品

級不分正從乾隆七年定宮內等處太監官職以

四品為定永不加至三品以上

頒定則例七條宮殿監處分例十一條又凡例四條各處首領太監處分例十六條永遠遵守錢糧俱按現行則例內額數不許增添其錢糧之額以銀五錢米半斛為等銀自每月八兩至二兩凡十三等米自每月八斛至一斛半凡十四等其人之數總管十四人副總管八人首領一百八十九人副首領四十三人筆帖式四人太監無定額順治年定制不過千餘人其職掌惟敬事房辦理宮內一切

事務禮儀及承行內務府文移并收納外庫錢糧其餘專掌隨侍守護承應洒掃坐更等事

謹案周禮閤者守中門之禁寺人掌女宮之戒設官分職咸備其數其以奄序官者惟內小臣為上士注謂奄上士奄之賢者但言奄則府史之類然則成周之制于內臣未嘗不班之以爵也第限以上士不使踰越而所供惟飲食門閹之事斯百代之良規矣漢唐以降人主因其職

在禁近漸加委任遂干政事履霜堅冰淪胥莫
救數或逾萬爵至開府逮於前明其弊尤甚洪
武中嘗禁內臣不得干預政事敕諸司毋與內
官往來乃未幾命聶慶童往河州敕諭茶馬而
中官奉使始此矣永樂中亦嘗諭一軍一民中
官不得調發有私役工匠者立命逮治乃元年
李興等齎敕勞暹羅國王而奉使外國始此矣
三年命鄭和等率兵二萬行賞西洋古里滿刺

加諸國而將兵始此矣八年敕王安等監都督
譚青等軍馬靖巡視甘肅而監軍巡視又始此
矣及洪熙元年以鄭和領下番官軍守備南京
遂相沿不改敕王安鎮守甘肅而各省鎮皆設
鎮守矣宣德四年特設文書房命大學士陳山
授小內使書而太祖不許識字讀書之制廢矣
賜王瑾金英印記而與諸輔弼大臣同矣賜金
英范宏等免死詔則又無異勛臣之鐵券也英

之王振憲之汪直武之劉瑾熹之魏忠賢薰天
灼手流毒無已神宗礦稅之使無一方不罹厥
害其他怙勢竊權不可勝紀而蔭弟蔭姪封伯
爵公則尤撓官制之大者愍帝初翦大慙中外
頌聖既而鎮守出征督餉坐營等事無一不命
中官為之而明亦遂亡矣我

國家內治修明宮政嚴肅

世祖章皇帝鑒古垂訓設立鐵牌裁定內官員數

列聖相承無不防微杜漸訓誡周詳凡諸內臣恪恭職
守無稍踰越我

皇上鑒於

成憲親定規條所掌有常事所司有常地授爵以四品
為限而統以內務府大臣正與周禮之領於天
官者若合符節此

聖人治內之法所為度越前代豈獨前明之祗政盪
滌無餘也哉

欽定歷代職官表卷三十八